## Agni Parthene in slavonico

Pubblicato: 04/10/2021

Ascoltiamo i fratelli del monastero di Valaam nel <u>canto di "Marie, Devo Chistaja"</u>, la versione slavonica dell'inno greco Agni Parthene, nella traduzione dello ierodiacono German (Rjabtsev):

Марие, Дево Чистая, Пресвятая Богородице,

Радуйся, Невесто Неневестная.

Царице, Мати Дево, Руно, всех покрывающее,

Радуйся, Невесто Неневестная.

Превысшая Небесных Сил, нетварное сияние,

Радуйся, Невесто Неневестная.

Ликов девичьих Радосте и Ангелов Превысшая,

Радуйся, Невесто Неневестная.

Небес Честная Сило и Свете, паче всех светов,

Радуйся, Невесто Неневестная.

Честнейшая Владычице всех Небесных Воинств,

Радуйся, Невесто Неневестная.

Всех Праотцев Надеждо, пророков Исполнение,

Радуйся, Невесто Неневестная.

В подвизех Ты помоще, Кивоте Бога Слова,

Радуйся, Невесто Неневестная.

И девам Ликование, и матерем Отрадо,

Радуйся, Невесто Неневестная.

Целомудрия Наставнице, душ наших Очищение,

Радуйся, Невесто Неневестная.

Покрове, ширший облака, и страждущих Пристанище,

Радуйся, Невесто Неневестная.

Немощных Покров и Заступнице, Надеждо ненадежных,

Радуйся, Невесто Неневестная.

Марие, Мати Христа, Истиннаго Бога,

Радуйся, Невесто Неневестная.

Ааронов Жезле прозябший, Сосуде тихой радости,

Радуйся, Невесто Неневестная.

Всех сирых и вдов Утешение, в бедах и скорбех помоще,

Радуйся, Невесто Неневестная.

Священная и Непорочная Владычице Всепетая,

Радуйся, Невесто Неневестная.

Приклони ко мне милосердие Божественнаго Сына,

Радуйся, Невесто Неневестная.

Ходатаице спасения, припадая, взываю Ти:

Радуйся, Невесто Неневестная.